

comparere ut inimicum. Hac ille. Et mox. quod sulphur, inquit fortissimum est & ad versus ignem pugnans quod continet & continetur: Ex his namque coniunctis color preciosissimus exit. & nunquam potest sulphur, quod naturaliter fugit postea fugere eo quod perforavit illud anima similiter & perforavit & mixta est anima tinctura corpori, & corpus animam continuit & naturale fugere prohibuit. Et deinde querenti, quis lapidum sit fortior, respondet: Lapis qui non est lapis fortior est altero inimico: rubrum vero est fortius illo quod sua fortitudine socios roboravit. Lupus itaque Orientalis fortior est cane occidentali, quamvis victoriae non portiatur effectu, sed una cum inimico occidat: Exutrisque vero fit venenum tingens: Differentia inter lupum & canem exigua est, cum molosus seu prægrandis canis lupinam formam & speciem ostendat, ita ut lupus origine, sed longa progeneratione cicur factus videatur: Eodem modo sulphur & mercurius parum differunt inter se; quia illud ex hoc, vel hic ex illo ortum ducat: Mercurius quidem sulphur genuit, at sulphur Mercurium purgavit & talem reddidit: De his idem Rosinus, dum querit Unde veniat ejus color? respondet, ex ejus intensissima amaritudine: Et illa Unde venit ejus amaritudo & intensio? responder, ex ejus metalli impuritate: Et illa: nunquam ejus color rubeus supereminet? respondet: Etiam: Et illa: nunquam etiam est igne calidior? respondet: ignis ad respectum illius est tanquam aqua ad respectum ignis. Et illa: Igne ne est fortior? respondet non. Et illa: Quare ergo afferis, eum igne esse fortiorem? Respondet, eò quod ignibus sibi ipsis obviantibus alter alterum comedit. Patet itaque quod alter alterius alimentum fiat & cibus, & quantum uni decrescat tantum alteri accrescat, donec accrescens prævaleat & draco serpentem devorabit: In magnis præliis saepè contingit, ut stragem majorem passi campum & victoriam obtineat; Ita & canis quavis prostratus non tamen vixit occubuit omnino, cum hostem adeò strictè teneat, ut ille absque hoc vivere, nechic absque illo mori possit.

Det